

四庫全書

集部

欽定四庫全書

牧庵集卷三十三

元 姚燧 撰

七言古詩

題甘河遇仙宮

并引

李天樂真人自余去年客秦日求賦甘河遇仙
宮其地蓋重陽真君遇異人酌甘水為酒相酢
之所由是名甘而不知甘即夏帝啓與有扈戰

此今其縣猶曰鄆其名舊矣天樂託石子玉遣
其弟子自秦入鄆千里求詩為之詠此鄆即古
扈字也

終南下甘河水我繫瓶嘗作泉比如何仙翁酌飲人一
唾世上無醪醴是何濡軌不成川北流赴渭朝宗然東
海相絕幾千里餘波開此黃金蓮河之源委且不見味
更幽渺人豈辨詩翁乘雲能再來醉擲餘盃須一吮

題西鄰王景韓茅亭次韻

朝陽洞深繞尋丈久身舉手已捫上誰識中有盤谷客
黠陟不聞時得喪夸夫鐵甲薄于頤有手不解持螯盃
時許雪曉穿蠟屐踏破瓊瑤來看梅人家買宅得鄰幾
墻東避世渠妄比可憐過愛醉後書未見來禽與青李
猶嫌洞遠如隔波茅亭別構高客駝兩僮日聞語音熟
呼門不復相誰何

題張肖齋所藏雙鶉圖

日躔鶉首在天未午為鶉火已鶉尾十有二次分四方

彼鶉居南獨三次是鳥尾短不復軀翼花斑斑鷓鴣如
首雖善關易馴狎握粟已逐兒童呼豈無鸞鳳為月紀
未必星翁曉何以寫生亦箋爾雅徒耗墨晴窗費縑紙
天寒江非烟如雲車馬輸充鼎俎珍今日此邦惟罕汝
盡師應不是穰人

謝馬希聲焚香鼎

吳侯建盃侔紫鐵表裏銳毫瑩鋪雪每愁射日動精采
倒景過目晴電掣人云煮茗何足道黃金百鍊終不裂

惠然持餉耽詩兄供啜幽齋真一絕
馬家處鼎同青瑤
左右梁耳圓索綯預憂凝塵助脆滑
失聲脫腕春冰拋
我思焚香固其物丹砂九轉疑可燒
何當去求善畫史
取並清玩誰相高盛荷不慳隨所欲
攜歸僮輩笑偃伏
白頭主人好惡異乃寶瓦礫賤金玉
前年禁林辭千鍾
今乃貪此盈一匊但知焚香煮茗趣
亦念饑僮隱雷腹
先生一笑呼來前吾意汝豈知其然
出門仕徑方爾率
陽在陰中陽逆旅人來正可飲醇酒
孔方交絕今幾年

聊將二物代飽德試問孰與空歸賢適有江南墨光紙
一掃新詩三百字為余走送藝聖軒足與渠濃作回施

趙溫甫自汴託人求詩

傳君家今汴水在博雅外無他嗜愛牙籤架挿鄴侯書
玉軸壁藏永存盡伊人何狀不及知與世異尚有此奇
楮縑且寶況彞鼎勅礪一室應累累我於朽銅如二豎
百藥膏盲攻不去剗青拂紫可療饑每被人嘲友康乾
白頭留滯周南村悌鬱襟期無與論天寒塵生筆水硯

日暮雪落蒼山樛幾時月明虹貫夜相遭傾續千金價
定將餘有易所無莫畏先聲避三舍

爰喬堂牡丹

宣相家牡丹雖多然止三種玉板白葉底紫淺
紅惟二十一日最研盛邵子所謂看花須及未
開時今已凋落矣錄呈時中

繫帆盡室遊長沙假館適許鄰宣衙千紅萬紫紛爛漫
獨餘牡丹繞蘂芽苦遭夾旬風雨惡手自挿架扶橫斜

天香國艷付寂寞已分抱恨歸舟拏今晨青陽劃研暖
一日盡開三闌花左闌後闌關鉛華綽約仙臉粲朝霞
重趺單萼異肥瘠玉環飛燕無敢瑕西闌兩株玉板白
號姨色羞脂粉加中叢昭容垂紫袖朝儀雙引肩相肩
非緣門前行馬設已有遊女填闥闥我昔緣髮洛浦涯
繡韞慣逐遺簪車老來自信此夢絕何意猶眩東皇奢
夜闌秉燭清味薄晝短常畏啼棲鴉學詩未知正而葩
學書劣能綰秋蛇酬春烏可不一醉二豪笑口人誰逼

明朝芳蹊縱百遠彩雲墜何及嗟坐無徐黃寫寫生手
不拂東絹圖還家

大農稼樂子英求詩

吾友秋澗蕪高廬詩稱子英發敢塗履霜兩楹草已宿
顏色不少平生殊先軫歸元如生面處父死敵固堪羨
慙德參乎啓手足淵冰要見兢兢戰卒絕藥盈遙遙孫
傳芳簪居終懿門尚期千古骨不腐血肉未敗何須論
三君將成孝子志皆借毛穎傳其事泉臺長卧誠有知

洛誦雄篇凜生意

張肖齋蠟梅為黃雀啄食余家牡丹芽為浴鷄所

壞

趙家堂前蠟梅樹叢枝已綴薔薇露醉歸紅袖折簪帽
似與華髮慰遲暮遙應此日開更妍萬斛清香撲軒戶
欲破已為黃簷角寂寞春風殊未覺君云落英地如蠟
欲破已為黃雀啄可憐終是主人仁不把金丸散飛電
我庭秋培牡丹芽屢灌期以開歲花曾覆一簣護霜雪

忽遭鷄浴騰塵沙翠枚紫荔蕩無有枯朽齋試快莫耶
翰音無知無可妬汝口平日差牛後豈無糞土振蚤蟲
非有黍粟充饑脰投畀湯火諒不難議功姑以能鳴宥
梅花啄殘開疎遲牡丹今同抱蔓歸靜求二蟲相惱故
無乃冥有教使之坐因吾儕對花飲歌舞不避傍人嗤
不如無花無酒過嘲諢狂詩為誰作果如造物意在爾
玉汝於人私幾大墨卿明白莫司箴只取二蟲圖置坐
次齋彥提刑和余肖齋蠟梅詩韻

聞辭湘中巖桂樹盡戟凝香正風露此時清趣肝膈橫
遙應半歲猶朝暮移節南陽但茅屋低雜邑人三百戶
冠雖觸邪心麟角公論非我出先覺化行仁厚到生蟲
踐之未忍那肯啄定國治獄民不冤安有六月飛霜電
萋萋碧草春風芽相逢官路黃柳花繡衣馳馬未出宿
先聲已過河干沙東西百里不易見況使南北千里耶
又聞不避南陽詬官舍盡室無一後已遣魚軒還潞水
但畏兒童癭生脰久知是邦多此疾賢如元凱終不宥

寒我白頭學詩遲佳句求法將軍歸伴來一月再惠寄
無乃有意幸教之我雖不作能知詩評君一語君莫嗤
古人復生不是過百泉梅花更奇作篇終用意愈精神
餘子工夫無許大東鄰好事有肖齋併取歸家玩行坐
招貢夫探梅

去年南陽雪積丈苦寒更在燕山上荒園柏樹舊冬青
一夜生意隨凋喪今年半冬汗浹顙馬蹄誰是散銀盃
愆陽騰威蟲出蟄到處盡芳年後梅城中知春能有幾

千樹西園雪羞比不復乘雲過玉川但看明月揮桃李
願分伏菟新金波我烹封磨如稚駝相攜吾黨二三子
白頭一醉君如何

次探梅韻

明日余醉先歸貢父與史鄧州令妓歌飲至城
次韻

山頭落日高三丈我醉思歸馬先上來及城門市已燈
纔下雕鞍路迷喪行人笑指駢肩顯不見使君荒郊盃

百步一止歌吹發清切驚落千林海是邦能詩輪指幾
橫梁吾猶驍健比夜深却相醉尉逢不識將軍隴西李
近聞北涉漢江波千錢糴穀載一駝吾儕寄公不喜樂
其如負此時平何

楊丞彥先見和復次韻二首

短兵最長不見家善用遠在威弧上惟君詩筆可配之
未信於今士風喪無錫如花越女顯人云無此不持盃
解組歸來卧衡宇寂寞巡簷空嗅梅出門款段朋儔幾

我策駕禎時竊比不繙異書友蔡楊且玩奇古傲牛李
一日不見古井波相逢莫話裏銅駝白沙翠竹江路好
蒼生安石如卿何猶仁巾冠蒙在上縱齒衆中人不咤
直饒白髮三千丈猶賴巾冠蒙在上縱齒衆中人不咤
年少風流氣先喪最恨白髮顛顛顛毵毵未飲先垂盃
顏壯自羞追勝集不是有詩真負梅兩疏黃金在餘幾
入手把玩春冰比莫從車上貢餘桃分棄路旁齊苦李
菜田茅屋臨湍波持家惟有書數駝欲教兒癡未解讀

及此正可遊無何

八景樓

公乎何年謝鈞軸卧樓臨此湘一曲太行山色高入雲
千里空青照沙麓胡為捨之不命駕無乃風土西南熟
丹梯不樹三丈旗已使元龍卧牀足世誇八景何足道
自有萬象供遊騁因之不遣別製名可見靈臺不違俗
樓中楮書三萬卷時與多聞來勘讀每讀北海空樽罍
差此東山廢絲竹却思十年帥邕管日夜不解衣三屬

至今起跪必依人半是左江炎瘴毒幾時按圖數包貢
尚恨未縛交州牧區區與公晚傾蓋握手論心如昔夙
歸樯相煩就屢別濡滯憐儂晝三宿莫言處陰影可休
安坐晚食能當肉九重方務老成人會見鳳書來起復
江淑漁舟圖

漁人無田鉤為耒生長水中安於水解維一葉信所如
朝發荆江暮沅澧湍施梁筍淵冒民謀食日擬獮獮餘
無產可乏佐軍策作備什伍官征租年年冬月寒潭碧

鳴榔驚起蛟龍螫縱橫沉網深刮泥鼓鬣潛逃萬無一
小魚大魚盈千舫刀腸斧首砧脂膏然薪夜照作鹽腊
百步未至閤腥臊越商巴賈持階堵接艫連檣爭售取
解道困魚魚有神豈惜羣分命如縷杜陵實獲我心人
解道困魚魚有神縣官丁中連四海計口笑賦何虞貧
問誰畫此非無意尺楮無褒惟有刺前年下詔蠲此租
咸若君恩小天地

留別奉御李侯

李侯吾取何所似
騏驎絕塵日千里
人生一朝緩急間
凡馬焉能託生死
觀其平時善赴義
竭出問門常倒屣
千金傾橐報一餐
片言杯酒忘百恥
靈臺雖負橫水鏡
月旦絕口不臧否
果如形勢心所非
壁喙教誨無一唯
族胄貴挾北方強
是性受得由母氏
乃知衆善出天賦
齊變而魯非學使
拱壁李云曠代珍
小小瑕疵何足指
適吾有覽吳會興
握手不謂遭南紀
鸛鵲洲邊月再盈
朝出暮歸月轡筭
日復一日無怠色
骨肉未必真能爾

古人亦貴意氣豁諍交何必同調止況今卜居尚悠悠
白髮相捨誰鄰里非來漢陽即漢陰斯言或食如江水
清明日陪詩僧悟柳山登落星寺詩

抵掌女媧前功捐鍊石力盡還實天怒飛十有八萬里
擲陷彭蠡三重淵藏山於澤信所力愚公欲移重莫肩
州民謠謂恒山路漫向麟史求何年安知自爾牛斗躔
天穴山當匡廬巔銀河一決不復塞至今飛流掛長川
我來正逢槐火節艤磯整繫東吳船相攜詩僧上佛閣

箕踞對酒談其然渠聞舌橋若自夫子辯乃出鄒衍前
何書太古何所得為言烏有先生傳

檣烏

吳城山頭尾畢通飛來行舟檣上呼舟中主人適中欲
委肉投飯供朝晡云是巡湖王使者從卜禍福知前途
家人化之亦信向恐我偶忘或誤謳絕嫌魚網戒張設
見彈必毀仍藏弧因思神林烏亦黠怙勢不必專城狐
過龍興昌邑山望海亭

去年憶登望湖亭空雲凝空雨雪零撫碑三復石若記
賜觀欲藉王威靈廟令老人曰嘗有烟塵失自兵初經
南昌歸來舟後停亭邊楊柳春風青纔思會稽探禹穴
湖海濤瀨達東溟牽牲榼酒來炷馨再拜卜吉王之庭
洋洋在上孰敢侮正虞白日飛雷霆廟中道沅師雲谷
顏色憔悴如獨醒率然一物置我所五采十之再咸局
梁鋒劍脊握有半鉞刀鏡若新發研一砭疑為扁鵲石
三嗅尚帶陳隼腥惜無矢人與羽箭之弓試矢而冥冥

重為雲谷語丁寧英之新之君其聽平生記古此第一
過日若忘心已銘商夷周目搃後出逆推已自三千也
百年天門孰曰壽嗟我與子其秋螢

牧庵集卷三十三

欽定四庫全書

牧庵集卷三十四

元 姚燧 撰

五言律詩

感事

致位承凝地
夔龍伯仲間
星當朝北斗
日已薄西山
取謗因讐惡
貪權失巧閒
此行雖鐵甲
未足比慙顏
與病高崖道
中作

役役乾坤遠栖栖道路頻
五年三入蜀十夢九歸秦
塵病偏凌客山英定笑人
無勞問前渡祇覺白頭新

發舟青神縣

青神開百丈江岸轉荒涼
薜荔緣松起蕪葭並竹長
深披豺虎徑毒犯虺蛇鄉
何莫非王事農夫可惋傷

舟達黃溪

草木隨寒暑殊方榮悴同
葦華蕪露白檉葉未霜紅
日月雙飛鳥江湖一病翁
晚來沙嶼上愁坐獨書空

五言排律詩

贈幼醫柳君

滿秩兆新識高名實久聞
吾家從鞠幼醫業必求君投
劑均調鼎施鍼捷運斤功堪齊
一相懼若用三軍簿酒
留窮日我纓戴切雲世知追
藥聖渠負善爲文俗眼驚
棲枳長身鶴出羣素絲頭轉白
碧草手將分拱壁光猶
寡兼金贖反勤縣官如訪逸
全十定旌勳

七言律詩

大都寄盧處道

家弟去冬溫室見玉音問汝死耶非因知洛下思常切
雖樂江南告已達一旦去妻鄰舍棗三年遊子漂陽衣
無遵君父無親母有底牽留未即歸

元日

昨夜中星仰看昏攝提驚轉帝車轅三千單紉苦寒盡
五十二年今日元興宴記霑魚在藻退歸甘免鶴乘軒
膝當木榻穿皆穴髮比霜蓬不斷根

四年甲午再過龍興訪雲谷玩石砮留一月而還
贈之

石砮射隼中應雙一集陳庭一此鄉楷寄久隨毛血化
石稜猶作劍鋒剛知音道適逢坡老得寶神陰相豫章
廟令收藏要知法謂看垂天在東房

感白髮

霜鬢休輕比素絲素絲輕染一為緇參同知白意端是
始終守黑更無移不似鬢毛難上色百方無有再玄時

點檢形骸無一可醒尋泉石醉吟詩

寄題陳肩夔兄弟夢草堂

謝池草句本無奇千古流傳五字詩祇是可人醒枕席
許多生意在壚簾信渠風雨聽眠處快甚江山得助時
顧我此懷今已矣羨君兄弟撚霜髭

寄題武安節推同年萬君定翁露香齋取趙清獻
夜則以日所為告之天也是官也蓋清獻初仕云
盡將心事寫成碑大要操修在不欺此一瓣香前輩似

只三箇字。老天知素瓶貯豆。應先滿。匹馬檣琴料自隨。
吾榜得人。今又盛會。排介甫擊升之。

道中即事十九首

半生奔走路塵紅。老合投閒向此中。炙背可親冬日叟。
脅肩休笑夏畦翁。前除梧櫚皆黃葉。別院橙柑尚綠叢。
榮悴不齊誰使爾。欲將斯理問高空。

點檢荒園新植物。長身君子不居中。花惟名牡可為牝。
竹既曰孫元有翁。九月未霜先挺荔。幾時因雨試移叢。

欲為奇品少遮日早願新梢高拂空

間人闕畧俗能容胥青區區禮法中泥酒有時遭郡守
借書宵夜過鄰翁江珧荔子幸同味玉樹蕪蔑何敢叢
文比盧仝儘平易猶騎騾駟上虛空

月出凜凜秋露濃舉頭天運定方中休官止酒愛陶令
對客賦詩輸杜翁燈燼不挑垂暗檠葉聲閒聽墜枯叢
馳心美壘誠餘事度日悠悠遠勝空

買犢賣刀方課僮躬耕來此近隆中護堤纔置木龍子

獲稻已輸秧馬翁林遠薪菜難似桂庭荒藜藿茂如叢
金穰已應田家卜儲粟瓶知不告空

人家山郭蕭條裏客子秋光荏苒中川逝無情將老汝
土非何物不悲翁鴈書終日度遙漢螢火經霖生腐叢
只有文窮能作祟一時祛送若為空

富貴賤貧交態一何人耐久伴間中書繁掃架儘良友
筆老免冠真禿翁睡起蟬魚沿敗褚吟來蚯蚓發寒叢
忘君畎畝吾何敢正賀三邊候燧空

却比周郎似不聾回頭曲誤妓園中樽前客豈可無我
詩裏人多非自翁落落既為喬木世翹翹宜拔錯薪叢
或云尚續樊川叟未要風流掃地空

俗自窮余余不窮無羞俯仰兩間中叩門聲僕強迎客
索飯嬌兒能叫翁葦縱聽浮身一粟蓬飛未甚鬢雙叢
爾來每為家人笑煮茗哦詩夢亦空

往古來今無限士何人不在好名中窪樽牛飲笑聲叟
絕筆漁歌奇放翁闕內舊詩傳菊帚穰間新事縛蒼叢

至將大行供除掃烹鶴燒琴不是空

衛生道至東坡簡坐驗朝帝視息中解使水男親火女
即為木母嫁金翁聖人愛畵文多祕方士支離語漫叢
只壽百年身健死不須白日上凌空

年少諸賢莫笑儂人逾五十日過中白頭特未到君耳
造化豈私令我翁南國香橙難似橘西川慈竹本名叢
世間貴耳多如此硯齋孤懷王要空

僻性知難與俗同舊交新識往還中嫌為厚貌重關相

受不機心抱瓮翁梧鼠躍林窮五技橘奴輸絹止三業
遙應世母神州說孤姪生涯尚鑿空

時才位地難齊同遇猶不及非是中禦人漱石信辯士
為子移山真拙翁鵬翻溟渤扶搖水鷗搶榆枋樸散叢
萬物自人惟是我為君高視九圍空

憂國惟求一歲豐商歌遶夜幾時中長懸謗木古來主
欲獻食芹何處翁虛應蒼麟纔一角瑞時朱萼必孤叢
傷心千載懷沙賦日月何嘗不在空

老困撥書非自慵徒令憂喜塞胸中費桃一日殺三士
剖橘何時見四翁單極纒多能斷鯨千章木穉已超叢
子魚未是忘筌者回首遼東半席空

無補明時出處同一毛得失九牛中雲山不是世爭物
田舍正宜吾作翁文或問津牛馬走才難入網鳳麟叢
燈前百萬呼盧擲未問家儲甌石空

駟馬難追言數窮猶龍自守不如中口知余媿三緘士
臂亦難為九折翁流水必趨恒下地狂風多折最為叢

若人有問安身策拙學區區過此空

未曾齒豁與頭童年少應無日再中四海固多知己士
一門惟失譽兒翁蕭蕭霜葉紛辭樹粒粒燈花細妥叢
遙夜誰家發砧杵月明如玦半橫空

次曹訓導韻

詩筆高冠無此流雄音壯節得前修清明雨過桃花浪
上已風連桑落洲江路帆檣容少住鐘山杖履遂奇遊
獨來乘興闌還去千古何人識子猷

原注此詩石刻在今湖口縣學敘云

前翰林直學士奉政大夫知制誥兼修國史姚燧以青龍辛卯春三月四日獨來縣學諸君適無一人知者偶縣教訓導曹君鉤余詩為和之所謂鐘山盤石鐘山也

挽王敬夫憲僉

素韞孤兒拜屨前令人未問已淒然同官南郡纔三日
隔世東州忽一年夜月誰家虛燕席春風客路負雞綿
玉碑老子埋銘在潛德何憂世不傳

別駕劉之問邀燧同府倅余叔罷田別乘顯卿姬
府教伯陽以癸巳九日飲鄧判席上言懷

去歲君山孤權遠如今盡室石城州明年白髮桑榆日
何地青山萸菊秋客氣已為彊弩末官情空繞大刀頭
果成問舍求田策未讓元龍百尺樓

次劉時中反和杜紫微韻贈李若水

并序

至大始元二月舟過高郵有李若水者為屋數
百楹以祠東嶽自號睡著余竊笑之豈是舉羸
皆夢中為耶因其求詩取水驛壁間士子劉時
中反和杜紫微齊山登高韻以贈其人幼年自

閨云

何事仙人亦毳衣
蒙茸如蒺藜
朱暉潔身自說
年華盛
晬面誰傳夜氣歸
能爾用師三晝返
不知去俗幾塵微
睡嬰外務何曾著
常恐金烏出海飛

次時中留別反和杜紫微韻

身世支離似敗衣
有戈誰却魯陽暉
不知次日公車召
又時何時野服歸
花信正愁風駘蕩
麥苗還喜雨霏微
分攜江上休回首
恐見檣烏作背飛

次時中參錯和前韻留別且勉其進德無怠二首
啼鵲休訴不如歸我亦從來賦式微竹塢且宜鳩杖立
柴門不謂鶴書飛舟行遠後忘經驛酒禁嚴來往典衣
為問石城鷗與鷺幾時相對弄晴暉

多君聞道粗知歸雲霧何人識少微爾後驛驢終獨步
自前鷺鳥不羣飛淮南數日將寒食客裏三春尚臘衣
安得鑿坡同給札不妨首著對朝暉

次劉時中和牧之齊山詩韻

有足斯奔有翼飛靜常觀物入希微名慚窺管文章竊
跡喜收身劍履歸影與金樽邀夜月夢無玉斧照晨暉
白頭坐取移文誚又為前星一倒衣

次韻時中再和簡呂正字登淮安城樓

久知戎服笑儒衣終尚晴窓惜寸暉上馬人扶甘伏老
攜家旅食亦安歸嗟君無事乘清興尚友新詩和紫微
相勉殷勤養鱗翼會能川泳與雲飛

喜雪鄙句奉子英提學

天上雲紋漾水波人間山色映兜羅東風盡日楊花落
南畝今年楚澤多稼穡生成知帝力昇平消息聽民歌
漢家始建營田計未厭牙籤沒馬過

七言絕句

賞花吟十首

常歲花開必禁煙今年開在禁煙前坐令姚魏皆牛後
但媚殘春殺雨天

嘗並牡丹為妬婦一枝惟許一花開從今記取花前飲

莫遣猶特媵爵來

陰翕陽施草木知牡丹烘日已離披
明晨迥露還收合恰比芳苞欲吐時

少年騎馬縱春遊紫禁名園訪欲周
今日病中扶杖看白頭先已為花羞

出門京國事無涯虛擲東風五物華
却謝病歸催不起故園今見碧桃花

手栽修竹直檀欒十畝清陰六月寒
西掖歸來但篋篠

被人皆斫上林竿

餘醪寶相海金沙
條蔓紫籬四面花
莫道詩人例窮苦
繡屏圍坐是誰家

大葢青油一大陰
未須特入海棠林
好乘麗日光風看
猶勝銀缸照夜深

佛桑艷艷欲燒空
猶愧山茶鶴頂紅
更是並他凡卉異
謝時連蒂綴東風

東風試手送韶華
落盡梅花落杏花
留得西園桃李在

尚能十日媚山家

張總管清富軒

米船明月白紅光
未半玉旂寶繪堂
今日又添清富出
兩家遺物滿筐箱

許道寧幽人曳杖圖

噴壺飛流雷怒鳴
切雲老幹凜將傾
深山窟宅皆豺虎
說與幽人莫獨行

題米元暉楚岫蒸雲圖

得法君家海嶽翁
青林翠岫白雲中
夜牕不是瀟湘雨
定有當時月貫虹

剔耳

曲意小誤已回頭
得此人生莫過求
堪笑殷君太聰聽
却防聞蟻鬪如牛

節婦蒙氏卷三首

死別哀思盡有期
最無窮已是生離
如今筐篋同州吏
誰肯分攜襁負兒

今年西北靜氛埃前日跳梁歟附來早晚君王罷邊戍
良人應逐踐更迴

能為聖代立綱常何獨雷門爛有光太史諸人爭淬筆
流芳直與漆沮長

張仲牧牛圖

牛刀農家惜百金畫師真得老農心釋耕不忍還騎去
乍可牽牛步遠林

王氏祖塋詩卷

讀渠滌澤墓田詩太息師垣尚未碑從此南歸得終願
衛人應有賦蟬綏

題孫大方真人秋聲軒五首

牕竹蕭蕭夜撼風秋聲何處不相同却休八表神遊客
認作匡山紫極宮

醉翁詩法似長庚序集東坡有此評不和蕭蕭動牕竹
却從庭樹賦秋聲

畫竹今推兩李魁魚牋鵝絹許為災試披風葉霜枝看

似覺秋聲入耳來

晉賢長歎只孫登君是遺苗必也能肯聽秋聲成一笑
攬衣燒酒對宵興

心許神交羽服流讀書惟此一天游幾時却向秋聲夜
醉卧朝元百尺樓

黃華墨竹

湖州再變到黃華兩竹離披自一家萬斛顛風掣旗脚
軍民吹屈最高牙

樂山卷

老思吟詠恐傷神多少求題委衆塵
展卷樂山殊喜作
自緣自是愛山人

巫山圖

神女行雲安在哉當年魂夢費蘭臺
絕癡更有杜陵叟
尚想空山幽佩哀

題步騭奉瓜圖二首

從來道屈不伸身特傳吾嘗笑史臣
簞食豆羹情最見

征羌還却善觀人

世有淳于定倒冠祝田求狹責奢難若從今日論瓜直
未必嘗渠飯一盤

題曾子耘瓜圖

誤斷瓜根罪甚微未消狂暫奮餘威鳴琴不怨參真孝
尚學風雲鼓瑟希

書琴工萬古音卷後

聞道為琴獨苦心新琴能發古時音百年却視今為昔

不說雷琴說萬琴

寄耕鋤隱者倪元鎮

谷口青松夾徑生
鶴巢松頂雪初晴
此時知有經鋤者
獨抱長鑱嶺上行

檢校傅伯賢求挽其父憲使五首

憲節崎嶇瘴嶺持歸輿
多少引丹旗東甌除却今尸祀
別道誰家有立祠

公雖歸葬汶陽莊
留得閩中像在堂
好記儂言看他日

遺苗終有視為鄉

缺舌將何歲奉嘗荔丹橘繁與焦黃蓬萊日落天風急
營魄時應一望洋

累帙百篇先在吟鑑然一事敵南金向人求請尤無已
足見終天孝子心

知生知死弔傷俱紀德於詩事不誣我僅知生不知死
弔章魚目混驪珠

三老圖三首

宋人金季反兵時徒遣荊州往乞師撫劍歸來天步改
無因死病怨良醫

從卧封龍十頃雲閣中肆外溢為文若非用事多排比
党蔡諸公不足羣

勃磈姑婦入龍庭得意攜臺雪侑亭向使遺文盡收此
後生尊作吐辭經

陳雲心求題

君近昌江山已深更依天岳最高岑月明清夜援琴鼓

惟有白雲知汝心

挽雲南參政張顯卿四首

原注其祠在碧雞山

誰昔新知紫鳳山正當特節日南還
曾談不足能專對不得深輪九虎關

萬里橋西遠寄詩但知相見可重期
如今繡閣傷垂老却是幽冥永訣辭

自非威信結夷蠻祠廟誰修蠶
焚間從此旃裘具牲酒不來徵福碧雞山

人臣用世熟無能由子非才不見稱觀此移忠與純孝
是家台席有重登

趙信庵墨梅

廣平援筆賦梅時鐵石心腸吐媚辭千載信庵前此恨
却將鐵石作梅枝

楊補之墨梅

枯枿殘枝三數花似臨清淺照橫斜草玄善學營丘筆
水木齊行自一家

題剡溪回舟圖

戴逵失策遣人哀禮也元無往不來明日相過莫相見
扁舟却與到門迴

牧庵集卷三十四

欽定四庫全書

牧庵集卷三十五

元 姚燧 撰

詩餘

浣溪沙

舟中紀事

白髮年來自笑余
孔方從有絕交書
誰憐多病麴生疎
兩岸行人爭抵掌
誰家舟上載藍輿
江南休問看山

無

菩薩蠻

皇慶癸丑春賞花詞

兩間日月同悠久
算來無比東君壽
一歲一歸來
光風吹九垓
花枝依舊好
只自傷垂老
七十六年人
見花能幾春

中秋雨

素娥會把詩人調
哀顏不直圓蟾照
特地變雲陰
江城

三日霖 今宵佳節過天上永輪破纔却放餘輝要看
清興違

清平樂

失題二首

水色裝東風致清逾淑春竟枝頭添萼綠要與梅花仲
叔 生紅從此羞顏甘同桃李漫山不是冥鴻過盡情
教銜子荆蠻

菲菲香雪更照溶溶月管被司花嫌太潔故遣啼鵲澱

血方舒笑臉迎丹雨聲深院珊珊有底春愁未訴向
人紅淚闌干

聞鴈

春方北度又送秋南去萬里長空風雨路誰汝冥鴻知
處朝朝舊所窺魚由渠水宿林居為問江湖苦樂汝
於白鷺何如

大德改元之明年辰在戊戌春三月十有一日
宣慰麓堂邀飲怪坐客無吾肖齋或云逃生朝

矣卽席賦清平樂以壽之

南陽昔歲此日懸弧記不料長沙今款避紅袖青軒負
醉橫檻直楸西東飄殘萬紫千紅不是荼蘼噴雪爭
些閒殺春風

浪淘沙

為柴氏題

河水發崑崙浩浩泉源餘波九里潤猶存若問是誰家
胄出顯德諸孫今日在清門玉季金昆能時夏清與

冬溫直待蠻坡褒一字華袞休論

競渡

楚俗至今朝服艾盈腰喧江饒鼓節蘭橈士女踏歌巫
覲舞魚腹魂招去古既云遙讒毀言削修名立與日
昭昭免向重華敷衽跪來直蘭皋

余年十七洪山僧相過言別公十餘年面頰紅
潤益加於昔有道然耶因為一莞賦此曉之

七十鬢雙蓬已分衰翁煩君休譽面如童只此正為吾

老驗物理曾窮 天地一微躬草木還同桃花初也笑
春風及到離披將謝去顏色逾紅

大德丙午端月十四日立春巧連燈夕求西野

澹齋月澗同賦

春燕玉釵騰又試初燈天公節序巧相同纖手青絲盤
出看寶燄騰層 鞭絕土牛繩已送嚴凝牙旗鐵馬向
春冰六十九年余治學老病宵興

送貢應奉仲章歸覲宣城

明月萬家砧蟋蟀哀音何人不起故園心一語最難留
斷袖說覲雲林回首玉堂深誰悖綸音都門無酒與
君斟只賦新招當贈別如玉如金

贈重陽奴

初度菊花秋霜水痕收可知不離是荊州元就龍山風
力軟破帽颼颼今夕定開舟漲水磯頭淵明解印去
來休夢遠橘齋新草澗檀板輕謳

鷓鴣天

遐觀堂暮飲

誰進蛟龍不致君
白頭離亂不曾聞
三秦碧樹生春色
千里青山入暮雲
何事業底功勳
百年五十已中分
從今萬八千場醉
莫酹劉伶荷鍾墳

虞美人

牧庵即事為李元素作

竹風吹落疎疎雨
紈扇收殘暑
小軒簾地細香來
莫是鄰家早有木犀開
玉環穿耳誰家女
自獻歌金縷
新

聲和徹紫檀槽袖出烏絲纔說要揮毫

玉梳贈內子

相輝瑜珥瑤釵鳳寶翼蜻蛉動新妝又得水蒼梳入道
秋風何物不瓊琚人無玉質容何害玉德斯堪愛尚
慙猶未十分全聽取明年環佩戛璆然

減字木蘭花

劉子善得常德壽梅圖持歸鎮江壽其父梅軒
壽梅紙本傳常武遠壽梅軒歸北固愛梅無有似君貪

東極吳中西盡楚 黃昏清淺孤山路能對春風句日
許不如歸去畫中看冷蘂疎枝常照戶

南鄉子

遊洪山寺

良月大洪山楓葉青青柏葉殷一樹桃花修竹裏天慳
連見春風一歲間 爭挽挿雲鬟日暮金鞍未擬還偏
與歌姝相映照朱顏應笑詩人兩鬢斑

次馮雪崖韻二首

荆憲品皆加纔罷還除世共華恨殺峴山山下路梅花
誰醉雙瓶玉照沙 涂水聽宣麻行脚陽春起未涯君
去莫嗟風土異堪誇君祖鄉鄰我祖家

日覺鬢霜加欲對青罇戀物華離別紛紛長眩眼生花
易散難搏掌上沙 蓬意不依麻未必移居漢水涯前
日曾與遺集序張誇素範清風有幾家

小重山

姪女歸寧還襄陽

江渚蕪葭白露稀雲間渾未有蜚鴻鴻入情離在別庭
闌携諸幼孤艇溯流歸七十古來稀乃翁筋力尚未
衰微峴山不是遠相違猶能往清淚莫沾衣

風雨折枝詞

早是清明應候風勢如滄海浪怒號空更兼潑火雨冥
濛如何得枝上載殘紅最惜牡丹叢晚來吹盡折教
兒童且為支拄曲欄中還堪否留客一樽同

定風波

南州以菌生竹間為覃并樹雞瘦薄而齧雖日
乾猶可煮魚此筆竹絲為之覃蓋得竹餘氣而
生然以世多未見故祥之余以理推如此唐古
憲僉筆生菌繪為圖因有是作

五馬雙旌出郡堂歸來椽筆對凝香只為好書天作意
相戲故生三秀在毫鉞不是畫師生手觸拳曲層雲
連葉幾何長我有一占君試記何事已開他日判花祥
題軸軒左右埋二石檻植荷其中

旋汲清泉石斛方便疑身已置江鄉八江吞胸雲夢小
應笑白頭兒嬉未曾忘 荷葉且看張翠蓋此外芙蓉
誰望集朱裳還有不如人意處遮去碧天明月照泱泱

洞仙歌

石山

伊誰斧鑿此玲瓏巖岫至巧先天化工手又不知何地
夜壑深藏今留待白髮詩人攜定 向宣和廢苑睥睨
高株欲轉愁回萬牛首期出處與君偕立則參前奉密

可收之襟袖尚未取云能此私從怕雷雨冥冥六丁來
取

對梅

疎枝冷藥臘前時初破年後纔多玉妃墮問梅軒白髮
寂對空株期三百六十誰同幽坐 孔方兄善幻半副
溪藤貌出緇塵素衣浣當盛暑展圖看遽失炎蒸甚欲
摘傾筐三箇又却被旁人勸休休怕他日鹽羹鳳毛無
和

江梅引

謝王子勉提刑送江梅二首

西湖不近上林隈
問江梅定誰栽
莫是冥鴻銜子遠
飛來紫陌遊人多不識
但驚看青天霽一齊開
獨有使君憐寂寞
為持盃能幾回
玉纖橫管東風外
落日樓臺不悵明朝飛雪滿
蒼苔恨殺南溪調鼎手
恐遲暮到而今
霜鬢摧

年年江上見寒梅
幾枝開暗香來疑是月宮仙子下瑤

臺冷艷一枝持入手斷魂遠相思切寄與誰 怨極恨
極嗅玉蘂念此情家萬里暮霞散綺楚天外幾片輕飛
為我多愁特地點征衣我又飄零君又老正心碎那堪
聞塞管吹

牧庵集卷三十五

欽定四庫全書

牧庵集卷三十六

元 姚燧 撰

詩餘

玉漏遲

與暢純父學士同舟過鹿門山

遡丹青未了森然玉立相迎雲衣勞苦詩人鄭重鹿門
清曉耆舊猶今好在笑竊比山靈年少青蓋照宜余翠

荷蕭蕭華皎 渺渺漢水滄波問流盡人間幾多悲嘯
對羊公片石一尊相吊喚水長庚小妾試看坐金鞍歌
笑飛蚺小澹澹長空孤鳥

滿江紅

廉野雲左揆求賦南園

葉慶雲都
城善誼者

面勢林塘緊橫曉稜如削還更比城南韋杜去天天盈
握使有名園能甲乙他山崩施先尊岳甚一花一石總
都將平泉學 雖鬢髮流光覺渾未厭朋來數有慶雲

善謠新聲天樂正爾關弓鴻鵠至可知棄展麟麟閣只
北山逋客負塵纓滄浪濯

送李景山使交趾

六詔江山十年厭拏舟還轍但只有日南遐域未嘗持
節八月秋風來朔漠燕然已沒鞍韉雪料此時銅柱瘴
雲收無炎熱御尺一行宜決煩重為離題說道望元
威德萬方臣安直以越裳聲聞阻千金裝渠渠誰屑要
降王明日共輜軒來金闕

送張子正廣西宣慰司都事

瘴海有風更誰避樓船檣折長記得鏡歌歸路獲嘉時
節日夜丹青麟閣夢論功總補朱衣缺問世間求寵有
門無終迷轍為此錯平生鐵踰嶺嶠皆炎熱獨梅花
萬里桂林冰雪躍馬十年銷髀肉遠遊一債償難徹笑
悠悠造物戲人哉冠纓絕

滿庭芳

寄趙宣慰平遠

有北先寒來時鴻雁記經何地初霜問渠鵝鸛何苦上
顏行浩蕩烟波萬頃怕誰去爭許三湘聊容與誰求繫
帛傳語寄炎荒 丹山如鳳鳥相逢定是問我行藏說
於今華髮為汝增傷晚笑巢阿覽德莫貪快千仞剗荆
和鳴擬從吹簫管終不是朝陽

水調歌頭

幽居

開軒對朝爽吾亦愛吾廬君亭有笏堪拄人道富於余

尚恐軒裳念在前日朱門故態消釋未全除反覆看如
此儂豈遽漸渠最同是烟滅竈釜生魚年年客裏相
值住興負當初縱使軒亭無恙亦取山靈抵掌猿鶴怨
移書樽酒酌江月何日賦歸歟

買田天生門外

買地近隍壑十頃展平闌相如漫說雲夢八九可曾蟠
已具扁舟放鶴又且觀魚如樂何忍利投筆却恐避地
下鷗鷺怨盟寒屋茨茅蹊種竹畹滋蘭天惟此所宜

看素髮颯垂冠手苦彎弓難合惟有招麾毛穎筋力尚
桓桓携我二三子日往將詩壇

送徐大山

崇仁送行役回首十周星因今常武丞去衣繡記曾經
西北桃源山峻東北河庭春盡浩浩際滄溟鄂渚玉薪
米連月雨冥冥天氣佳殊未暮莫揚舫便今縮印遲
上誰奪老槐聽一語嗟卑烏用覽鏡還宜自重如此鬢
毛青軒冕暮塗看馭日與鞭霆

岳陽寄定庵王萬戶

茲遊太奇絕我亦壯君侯春風殷地悲獻笳鼓萬貌貅
平昔心曾吞看八九江南雲夢今上岳陽樓尊酒浣塵
土山雨戰青油竟陵客又挾病入西州惟余與汝湍
水東決則東流遙想凝香畫戟談兜鍪畫息息莫賦大
刀頭麟閣看他日居右有人不

守歲

六十一年似窻隙白駒馳人家守歲疲計明日怕容辭

萬事總堪一笑何必朱顏年少誰不侮吾衰只看屠酥
酒先酌襁中兒無以為閨藥括謫仙人人生日日渾
醉百歲以為期三萬六千場耳一日盃傾三百巧歷算
能推試問自今去餘有幾何危

燭影搖紅

新齋肅政李元讓座間任氏婦歌海棠開後之
語非專為海棠設故別賦二首錄呈太初宣相
時中

天寶三郎愛環睡起紅妝嬾背渠素手洗朱鉛吹裂寧
王管羯鼓嵬坡塵散記紅水淫淫淚斷際天長恨蜀棧
青螺錦江難浣 千古驚魂泛蘭轉蕙光風暖嫣然一

笑尚傾城桃李空繁滿銀燭春宵苦短願青軒流光緩

緩借諸任袖回施新齋捧

衆原闕三字

娟娟東風碧湘左畔羣山圍海棠無語不成蹊桃李羞
牛後生臉朱脣暈酒間坡仙肝腸錦繡未容花睡銀燭
高烧何如晴晝 十事之中不隨人意長居九結貽願

頽笑靈均蘭芷盈襟袖今代巫陽恐有斂南呼樵人畫
手向青軒底貌取妖妍為司花壽

木蘭花慢

清明上巳同日亦吾生少遇賦樂府奉呈判縣
伯陽志友兼寄高侍讀

暢光風嫋嫋轉幽意泛崇蘭最上巳清明相期一日石
歲逢難報韃自兒女事快憐翁覆手羽觴乾莫道韶華
一月從今已屬春殘故人回首隔長安輪直下金鑾

對賜火新烟應思夜襖何地江千依然齒牙牢在並年
時花似霧中看獨賴中書未老言時髮尚衝冠

石州慢

失題

高與雙崖馮雪魏青三子皆入傑當年慣見中宵天外
德星難拆華觴雕俎清辭細切琅玕定應袖有銀鋸鐵
而我獨離羣卧南陽甘節書絕故人石影新翻欲譜
調疎聲拙誰道巫陽喚起滕王長別珠簾畫棟紫飛南

浦朝雲當時此句雖清切何似倚危欄滿西山晴雪

賀新郎

失題

杜宇為謀拙只當時西山已報鼉靈功烈何事為心輕
傳禪坐取名隳身滅化怨鳥春山啼血試聽不如歸去
語怕君還未晚吾能說冤憤在失金闕胡為不叩天
闕裂柱人間丁寧控訴欲求誰雪蜀道思歸誠何有便
隔雲山千疊一再舉猶堪橫絕苦趣東君行不早到干

紅萬紫飛時節呼謝豹慎捫舌

摸魚子

賦玉簪錄呈趙太初兼與時中茂異

更休尋玉山瑤草蓬萊知在何處
司花嫌被春風妬留待九秋清露
還解語試問看當時月夜乘鸞女
何年遺汝甚不怕高寒青雲萬里
鬟鬢亂風霧人間世無物有香如
許靈均遺恨千古芙蓉杜若何堪
佩顚顚行吟沅浦空自苦誰教得
揚雄不信離騷賦雲牕月戶恨白

髮詩翁年來多病不識醉鄉路

蘭陵王

昨日奉候知玉體已不恙軒從可北矣其戒行
何時作蘭陵王曲問之上雪崖使君

雪崖雪玉疊浮雲變滅蓬婆外青白界天西窻窻涵古
今絕泰山置下烈類媵姬姜婦姪望太白三百去天六
月人猶失炎熱 緇塵苦為涅間誰可配茲千仞高潔
惟君雅號相優劣有北正寒冽傳將移節及門再命益

整折未聞賜環珎 我拙誤名竊甚此日微書不到巖
穴何人輶輶同車轍華省最相悅忍為輕別定成行不
乞為汝負羈縲

綠頭鴨

贈辛尚書家琵琶妾何氏

錦堂深獸爐香噴沉烟紫檀槽金泥花面美人斜抱當
筵輕羅綬素肌瑩玉近鸞翅雲鬢梳蟬玉筍輕拋魚文
細撥鳳凰飛上四條絃碎牙板煩襟消盡秋氣滿庭軒

今宵月依稀向人欲闌嬋娟
變新聲能翻舊曲眼前
風物淒然路漫漫漢妃出塞夜悄悄商婦移船上愁
思江邊怨威分明都向曲中傳困無力勸人金盞須要
倒垂蓮拚花醉紅塵惆恍一夢遊仙

六州歌頭

賦木蓮花

靈均不信木末塞芙蓉徒自潔好竒服芙蓉縫看心曾
霽月光風似愛蓮雙云難狎應亦未觀林下澹丰容坐

陸高花十丈身疑在玉井三峰甚東皇遣與桃李鬪春
濃男色昌宗失昌丰於平泉記奇草木惟赤栢與金
松岷嶺導江浩浩發臨邛進吳儂萬里江南北行欲遍
未曾逢堪悵恨風與雨苦相攻怕學瓊花不墜潛飛
去地上無蹤奈明朝酒醒空對夕陽春流水溶溶

牧庵集卷三十六

欽定四庫全書

牧庵集附錄

年譜

案先生撰其先世父魯國文獻公神道碑叙姚氏
神明之後歷夏商周秦漢魏晉宋齊其間傳次或
絕或續與梁陳隋唐有可以譜究者別載世錄中
惟本梁唐六鎮節度使勅勅生金吾將軍漢英漢
英周廣順初太祖遣之使遼見留事世景聖三宗

加安時制節弘化翊亮功臣開府儀同三司樞密
使檢校太師兼政事令上柱國東陽郡公生中書
門下平章事居政居政生太師左金吾衛上將軍
虔州節度使景祥生太子洗馬去華去華生金東
上閣門使金州團練使玠玠生閣門祇候武德將
軍佺佺生武德將軍獲嘉令錡錡生安遠大將軍
慶陽安化丞淵後更名仲宏生嘉猷程世舊學功
臣太師開府儀同三司魯國公諡文獻樞及弟禎

格樞生今行河南省左丞埜楨生故江東憲僉燉格
生先生諱燧集賢大學士榮祿大夫翰林學士承旨
知制誥同修國史謚曰文其先柳城人今興中府即
古營州慕容皝所都也其族大以蕃先生送馮雷峴
序亦云九世祖東陽郡公有孫嘗王柳城今其地有
姚山館姚家陀猶以吾姓姓之墳墓咸在焉然其後
皆不讀書舉鮮鮮卑人矣

太宗英文皇帝十年戊戌當宋嘉熙二年

先生生

十二年庚子

先生三歲業先生為馮松菴挽詩序云松菴歿以庚子七月我先人之棄其孤亦以是年文獻公碑云燧生三歲而孤公卯翼之不知其蒙閣教督而急其成俾粗有聞承乏翰林復世公官為旨也

定宗簡平皇帝五年庚戌當宋淳祐九年

先生十三歲是年始見魯齋先生業先生與許德卿

書曰十八年謬齒弟子之列於長安時立下席自是
至其莫楹實二十有九年

世祖聖德神功文武皇帝中統元年庚申當宋景定元
年

先生二十三歲

中統二年辛酉

先生二十四歲送暢純父序云余冠首時未嘗學文
視輩流所作惟見其不如古人雖不敢非諸口而未

嘗不輕之於心年一十四始取韓文讀之走筆試為
或謂有作者風就正於先師先師亦嘗其辭蓋是年
方學為文三辰儀銘等當作於其時

案此譜多以所作之文系于每

年之下亦有約畧附之者
集雖不全其目多見于此

至元元年甲子當宋咸淳元年

先生二十七歲案文獻公碑云至元始元詔罷世侯
以左丞行省河東是歲今河南省左丞文獻公子煒
生

至元三年丙寅

先生二十九歲有送宰伯魯遊秦序

至元四年丁卯

先生三十歲崇文獻公碑至元四年拜中書在丞至
元之元出省臣三罷世侯置牧守遷轉河東山西河
南山東官史公行省河東山西明年而歸又云五年
用兵襄陽立河南行省公僉省事八年入覲十年拜
昭文館大學士詳定禮儀使參政焦公碑云至元之

初少師以中書左丞行省河東還以昭文公大學士
休政京師賓客之送迎皆隨將命而識公與文獻碑
不合先君日記云中統二年奉旨令右丞相公於平
陽太原行中書省平陽太原河東山西也是中統至
元皆嘗行省其地右丞則前書記張公也本姓魯父
名聚杜日生小字杜住太原臨州臨泉縣使君莊人
父為人所殺其母負公行丐於市至郝太守家有張
孔日者無子携去養以為子因冒張姓長祝髮為僧

及遇知世祖皇帝得所攀附云

至元五年戊辰

先生三十一歲其年用兵襄陽闢省河南文獻僉省
事是年建御史

至元六年己巳

先生三十二歲是年置諸道提刑察司事事見山南
廉司題名記

至元七年庚午

先生三十三歲勸農白公碑云嘗齋先生避左揆以
集賢館大學士祭酒國學教貴冑乃奏召舊弟子散
居曰方者王梓自汴韓思永蘇郁自大名耶律有尚
自東平孫安高凝與燧燉自河南劉季偉呂端善劉
安中自秦獨公自太原十二人驛致館不蓋同是年
也

至元八年辛未

先生三十四歲是年文獻公入覲碑云八年入覲者

至元十年癸酉

先生三十六年是年文獻公拜昭文館大學士詳定
禮儀使

至元十二年己亥

先生三十八歲始為秦郎文學未幾授秦議大夫兼
提舉陝西四川中興等路學校張詹丞碑云當十有
二年太師奉朝請京歸燧秦郎文學俾從之西凡偕
以三使蜀及轉陝西憲副月為祿屬

至元十三年丙子是年宋亡

先生三十九歲文獻公碑云十年拜昭文館大學士
先生有壽公永調詞云相公奉朝請京輦已三年當
是此年寄賀者九頂山題名云天子嗣位之十五年
大參公相秦藩明冬以王教安輯庸蜀又明年以漢
嘉新以入諭其民休旬佳日公因訪李永遺烈登山
東頂之上書公及同遊者姓名三月二十九日其
歲丙子其年至元之十月三年王府文學姚燧記則

先生與大參公同姓嘉州豈使蜀之一耶是年又奉
招王立合州使蜀之二也其年南來平所謂大參蓋
商公左山也嗣位之十五年以中統初元考之亦不
合

至元十五年戊寅

先生四十一歲黎施州亭云十五年奉先王教安集
夔府新下之民始與黎侯相識其三使蜀者亦其一
歟王希真祠堂銘云族姪逮自汴至長安求銘無歲

月可考亦當在此年也是歲秋七月二十三日文獻公薨壽七十有八

至元十六年己卯

先生四十二歲有何敬夫醉經堂記是年始娶紫陽先生中女楊氏

至元十七年庚辰

先生四十三歲為陝西漢中道提刑按察司副使夫人楊氏生楊氏婦而卒

至元十八年辛巳

先生四十四歲為秦憲副是年娶今夫人趙氏年二十有四見其外舅和父墓誌有送雷季正見魯齋序至元十九年壬午

先生四十五歲居秦有劉天麟為其父求撰神道碑
兵馬總管袁公碑云十八年燧以陝西憲副錄因延
安明年子克良持書謁銘蓋此年也其年五月二日
癸女生長適楊萬戶孝基

至元二十年癸未

先生四十六歲為山南湖北道提刑按察司副使案
澧州廟學記云二十年燧副使是道明年按部至焉
大德乙亥為記時在武昌末云書于鄂之南陽書院
之楚梓堂是歲魯齋先生卒與許德卿書云立下席
二十九年蓋憲五年乙卯至是為二十九年也

至元二十一年甲申

先生四十七歲為湖北憲副按部澧州有寄家人壽

日南柯子七月初二日夫人生朝又有別枉渚德公
詩云孤姪貳荆憲又曰枉渚訪先友德公嘗與文獻
公文處枉渚在常德江南岸與招屈亭相望亭相望
以為昔處人招屈原於此故名近歲仕宦于彼者懲
司憲者迫人屈招惡其名為招屈遂去其扁枉渚見
楚辭是年九月二十日長子壘生

至元二十二年乙酉

先生四十八歲為荆憲副有別丁編修序

至元二十三年丙戌

先生四十九歲松菴挽詩序云二十有三年夏以湖北憲副奉檄趨京謂為直學士也以疾留襄陽會河南憲僉馮君岵求為其先序并馮氏三世遺文序臨湘縣廳壁記又婆羅門序云余由荆憲奉檄趨京病留襄陽馮憲僉由汴梁至梁宣慰貢父張總管夢卿皆由長沙至三君飲餞漢賓壽卿賦此聲南陽道中依韻和寄之跋張總管父都漕公手澤云至元丙戌

姚燧觀都漕濟江調兵記目題肖齋清留軒先伯父
三帖黃門飛鞚圖許道寧幽人曳杖圖元暉山水圖
雙鷄圖補之梅黃華竹時苗留犢江淑魚舟等皆作
於是年肖齋家物也先生與之交處最稔其人多讀
書工於詩喜蓄書畫襟懷灑落無塵俗氣居潭之西
城引流種樹甚有清致武弁中好事者世不一二數
即所謂張總管夢卿者也是年又有臨湘縣廳堂記
至元二十四丁亥

先生五十歲時為翰林直學士有送暢純父序太醫
鄭公碑寄盧處道詩張天表遐觀堂記雷君損之歸
來園記送余春谷序參政胡公碑云二十三年始相
其年十月五日薨明年五月諸子自江南歸葬八月
吉有日子瓚從其諸父按察使讓請銘銘亦必是年
也

至元二十五年戊子

先生五十一歲歸自燕居于鄧有朋簪堂記牡丹序

遐觀臺序云二十五年罷直玉堂與張肖齋史仲威
宋齊彥梁貢父王景韓等遊處並見集中有右三部
馮郎中碑肖齋赫曦亭記覆瓿藁詩招貢父探梅及
次探梅韻書米元暉山水末云姚燧為識末幅蓋皆
是年作

至元二十六年己丑

先生五十二歲居鄧有除日試臨安竹絲筆金星斂
硯書事答肖齋餽歲及海岳堂記閭醫隱銘李文紀

碑送馮壽卿副憲遼西序金將仕秦君志銘楊彥亨
遐觀臺唱和詩序

至元二十七年庚寅

先生五十三歲授大司農丞樗菴集序云後君沒之
十九年至元庚寅子京出其譜而見其然且求叙是
年先生自漢浮江東遊會稽過江州見濂溪書院記
後四年再過記方刻石汴梁學記亦庚寅夏四月書
為直學士宣農丞之後耶

至元二十八年辛卯

先生五十四歲按察司其年改廉訪司盜臣僧格約
蘇穆爾等伏誅有湖口縣學次曹訓導韻自跋云青
龍辛卯三月四日獨步縣學無人訓導曹君餉予詩
為和之署御為前直學士刻石縣學

至元二十九年壬辰

先生五十五歲繫家寓武昌有送徐大山序題王西
溪珍翰跋語第二子圻生於武昌劉彥清序亦當在

是年

至元三十年癸巳

先生五十六歲是歲始自鄧居郢木蘭花云再年逾耳順來七稔石城居癸巳至己亥七年也

至元三十一年甲午

先生五十七歲遊江西龍興有滕王閣記宣慰王公碑招撫使王公碑云王彥弼總南康過潞舟中求其先人墓銘并閣宏求求銘其考瀏陽尉亦當是年

歸至鄂中書遣直省舍人扎哈勒台以朝請大夫翰林學士召與高道凝同赴別隣詩序云青龍甲午十二月十一日赴召劉武敏公碑云三十一年知鄧州劉克仁來言曰亦疑是年也

元貞元年乙未

先生五十八歲與道凝同修世皇實錄有長春宮碑崇陽學記董氏棣華堂記

元貞二年丙申

先生五十九歲因改葬少師于輝裏事歸郢勸農白
公碑云夫人賈以苟宗道埋辭求銘墳道數年不能
叙其事去冬以史事入翰林過輝夫人祈媿毋為言
貞之元在翰林明年改葬少師而出此詞有蠻荆之
語當是三年未改大德之春作者

大德元年丁酉

先生六十歲有毛氏壽詩堂記曹州學記龐禮部母
夫人序云元貞始元同官翰林前年訪以史事去年

迫南歸今間退於郢故書三千里之賀時時先生居
郢故云判官劉君誌銘云至元乙酉七月七日卒後
十二年丐銘其墓均州萬戶翟公碑亦是年也幼女
楚楚正

大德二年戊戌

先生六十一歲江陵廟學記云至元乙亥江陵下之
四年廟學火至今大德之戊戌凡二十四年又云嘗
貳憲于此再入鑿坡求記當是其年作是歲安陸府

學記云大德戊戌分司撤毀殿別構冬十一月歸末
云嘉平中休日記是年挈家遊長沙麓堂宣慰和尚
公館於爰喬堂堂名公所命也未幾疎齋盧公處道
未盡厥美因共更為臣臣先生大書之予以為世三
十一也改作世亦三十一竟為麓堂公享年之識云
又有贈疎齋三絕句及與憲使陳時舉留別詩并其
母夫人李君神道銘致先懷集府君墓銘爰喬堂壯
丹長句羣山園宴集燭影搖紅李新齋憲副趙子昂

丹長句羣山園宴集燭影搖紅李新齊憲副趙子昂
畫夫子小影贊靜壽堂記趙監倉銘壽肖齋清平縣
又守歲水調歌頭去六十一年似憲隱白駒馳等作
致以是年始拜先生於潭舉致湖南憲府史云

大德三年己亥

先生六十二歲寓武昌居南陽書院之楚梓堂春遊
黃州有贈賈芳春綠頭鴨龐氏先德碑云元貞丙申
翰州有詠手書鉅軸相授曰吾先德也其賜之銘後

云大德己亥趣書巧筆削其書夏五月有送劉己仲信
然南經歷序段立夫建昌府判官序秋八月李茂卿
序九月孚德陰序十有一月澧州學記十二月上懷
思州唐君碑寄疎齋贈平章劉公綠頭鵬故左丞相
阿爾哈雅碑振衣亭記平章劉公創甲第武昌求三
堂名并記於先生先生以清風垂紳益壯名之致為
為湖南憲府吏疎齋除湘南憲致乘傳詩上至武昌
與先生會先生喜分題賦平章劉公三堂先生得清

風疎齋垂紳致忝益壯焉是歲幼子石城生於郢木
蘭花云再年逾耳順來稔石城居記白髮添丁云云
其年六十二也

大德四年庚子

先生六十三歲居郢城春猶在武昌有重修虞帝廟
碑南東慈化寺碑清風堂記馮雪嵯二孫名字序送
郭幹所序輝州三賢堂記

大德五年辛丑

先生六十四歲授中憲大夫江東憲使有南平樓記
寧國修造記却統榮公碑徽州路達嚕噶齊虎公碑
請史管見序劉氏六子名說僉密院趙公碑遺安堂
記司徒董公碑云大德辛丑天子念公功贈中書左
丞子士珍將銘墳道持遼陽參政王思廉狀遠走江
東而訪燧亦在是年也

大德六年壬寅

先生六十五歲有國統維合表序參政焦公碑總管

高公碑

大德七年癸卯

先生六十六歲業饒州明倫堂記云大德登卯通議
大夫饒之總管趙侯訓以路政修舉餘五十楹十楹
遺直學士黃叟走書求記並業青神陳氏碑云大德
咸成後五年陳時舉總管建康求撰宋太當青神陳
氏碑蓋是年也又有蒙古光祿表勲碑紫陽先生文
集序戎大參父九十絕句十首戎時為奉使宣巡歷

江東又金正議大夫王公碑云大德癸卯以省郎從
宣撫江東俾銘其碑又太史楊公碑云三十一年三
後十年子寅求銘墳道三十一年甲午至癸卯十年
也謝顯卿序大德辛丑燧使江之東顯卿副是道先
生二十有七年之間禮浹而恭云云是歲嘉平移節
浙西疑為此年十二月也六月望日有錄壽細君樂
章集為軸等作

大德八年甲辰

先生六十七歲自宣城移病居太平之潢池鎮有江東憲迴鵬鵠天二首萬戶郎公喬公征行元帥趙公等碑是歲拜中奉大夫江西行省參知政事冬十月至龍興奉安西王教撰延釐寺碑

大德九年乙巳

先生六十八歲居龍興有太平興國宮碑臨江府判官夏君母夫人碑荆湖宣慰司興造記淮安忠武王畫像贊徐子方真贊袁之上佐高氏子字說文選序

秋八月望日至西山翠巖寺同行僉憲郝子明檢校
閻子濟儒學副提舉祝靜得與致竣事少憩于洪厓
丹井石上飲酒樂甚先生賦臨江仙致與靜得有和
致又反和之先生亦有答者子濟別賦婆羅門引致
又別賦五言古詩皆命致書貽紫清道友王梅臾碑
刻之右又架木物為梯凳俾致跨水題石丹井厓石
之上致云是以章子厚待我也諸公為之一笑先生
持酒相勞九月移疾北歸至吳城山子濟靜得亦來

會子濟取吳城山三字與靜得約致分韻賦臨江仙
以寫攀戀之意子濟自叙云九月七日舟行送牧菴
先生過樵舍至吳城山與靜得賦臨江仙取吳城山
三字為韻留山字邀時中作去歲迎公樵舍驛今年
送別重湖青山知我往來無揆材慚杞梓聞道覲柔
榆勝日黃華重九日喜浮五老眉鬚清尊何惜駐檣
烏分風行咫尺千里異荆吳右子濟一代文章千載
事區區外物虛名了知此老去留輕銜舟攜二客襍

被送兼程渺渺望湖樓下水連朝無此秋晴新霜紅
葉錦為城重陽誰共醉五老定相迎右靜得先生致
所賦見自藁明日程公雪樓以學士赴召亦至相與
留連南康累日雪樓北上先生解舟至江汴會馬漕
副克復相留迎醫病間遊廬山留興國宮提點湯公
為建牧菴亭且立先所撰採訪真君碑又為撰新莊
記漕司暖翠亭記舊德堂記云大德乙巳某歸自西
江相遭德隆于鄂求名斯堂等作皆於是年也

大德十年丙午

先生六十九歲客武昌郭安道為僉憲許濬齊儒學
提舉有贈二公浪淘沙又有與安道論書序達嚕噶
齊斐公碑案荆湖北道興造記云經始於大德乙巳
之十月壬午以丙午春三月之癸酉訖功夏五月遣
掾屬趙茂陵告成亦是年作五月十一日閻子濟卒
大德十一年丁未

先生七十歲有夏府判毋張氏碑布色兵馬碑平章

游公碑云公以至元十九年拜榮祿平章明年薨於
位後二十月三年當大德丁未元子永錫遺猶子某
自汴而郢以碑見託正是年也冬宮師府遣正字呂
洙持太子太師瀋陽王王璋書如漢徵四皓故事趣
為太子賓客授正奉大夫十二月至維揚與第二子
圻定婚焦氏婦龍陽梁孝子碑經歷呂君碣皆作於
真州蓋是年也

至大元年戊申

先生七十一歲仁宗居藩邸開宮師府春二月先生
舟過高郵有次致和杜紫微齊山詩又有次韻贈李
若水及留別東呂正字登淮安城樓并參錯和勉致
進德無怠等詩致侍序行至崔鎮水鐫而別有齊哩
克台先廟碑龍興寺永業田名丞相史公先德碑記
是歲由賓客授資善為承旨又除太子少傅不拜武
宗諭之先生再拜曰昔先伯父嘗除是官亦辭不拜
臣何敢受

金少府志卷之七
附錄
至大二年己酉

先生七十二歲拜榮祿大夫集賢大學士翰林學士
承旨知制誥同修國史案雍國賀公碑至大二年七
月二十有九日行在南坡公碑未銘敕翰林學士承
旨燧撰述之又龍興寺永業田記云至大戊辰令下
明年三月俾學士承旨姚燧為文末云其年夏五月
記是三月傳旨五月文始成也又有朝元萬壽宮碑
招撫李君墓表

至大三年庚戌

先生七十三歲是年舉致為汴省緣有滕文穆公碑
瀋王詩序許文正公詞堂記玄帝詞記忠勤堂記喬
木堂記雪堂雅集跋語孫侍郎碑楚公畫贊郊宮樂
府南鄉子等作

至大四年辛亥

先生七十四歲為中子圻娶焦氏婦閏七月至杭未
幾中書遣陳檢閱復以承旨召病不克赴十月至京

口買舟西歸致與先生別儀真遂成長別是歲有完
顏公碑南寺碑寺武皇所創設行工部董其役未成
而上仙遂輟工一日佛前座紋石上有二巨跡一靴
跡一佛跡僧以告行工部官事聞上成之命先生為
文先生時已得請南歸中道文成進之李宗師書丹
刻石僧有取碑中祝髮與聖人往矣于佛焉依等語
訓曰祝髮斷髮也罵僧為禿焉依者焉為未定之辭
此謗無佛訟之太后后怒命諸老與集議之宗師詰

其人曰祝髮字文人多用之焉字語助也何謂髡僧
謗無佛乎其人曰宗師亦僧也謂我曹為斷髮去禿
幾何李因曰國家使我曹飽食煖衣者亦何用哉其
人遽曰將以祝皇上萬萬年壽也李曰然則祝字固
佳字也僧茫然失指無以應議上命趙子昂元復初
別撰其文張希孟祭先生文有磨平淮碑之語今文
去祝髮語因記之

皇慶元年壬子

先生七十五歲居廬山作匡山精舍記慈化寺碑皇
慶壽詞上巳清明同日樂府

皇慶十年癸丑

先生七十六歲是年復以翰林承旨召先生已卧病
郢城矣有寧國路修廟學碑賞花十詩九日感皇恩
樂府蓋先生絕筆也先生九月十四日薨葬郢城
北臺之陂鄉

牧庵集附錄